

RS i "izgubiti" pola miliona stanovnika: BiH ostaje bez petine stanovništva!

21/12/2010 19:41 by Administrator

U narednih 20 godina BiH će imati oko 18 posto stanovnika manje u odnosu na početak devedesetih godina prošlog vijeka, a u narednom periodu najviše će se smanjiti broj stanovnika u gradovima Zenica, Mostar, Bihać i Prijedor.

Ovo je navedeno u izvještaju londonske agencije "Euromonitor International", koja navodi da će u BiH biti znatno smanjen broj svih populacija ispod 58 godina starosti. Prema ovom istraživanju, najviše novih stanovnika dobiće Brčko i Banjaluka. Do 2030. godine BiH će, prema ovim procjenama, imati 3,7 miliona stanovnika, što je oko 800.000 manje u odnosu na 1989. godinu kada je u BiH živjelo 4,5 miliona ljudi, pišu "Nezavisne novine" u izdanju od ponedjeljka. "Sarajevo će, prema ovom izvještaju, 2030. godine biti najveći grad, sa skoro 425.000 stanovnika. Isti podaci navode da će Brčko biti najbrže rastući grad, a broj stanovnika distrikta bi se trebao povećati za 26,4 posto u periodu između 2010. i 2030. godine", navodi se u ovom izvještaju. Nakon Brčkog, Banjaluka je drugi po redu najbrže rastući grad i za 20 godina bi trebala brojati oko 225.000 stanovnika. "U navedenom periodu gradovi Zenica, Mostar, Bihać i Prijedor će se smanjiti i imaće manje stanovnika nego što su imali prije rata", navodi u svom izvještaju "Euromonitor International". Najviše ljudi do 2030. godine će biti u dobi između 41 i 49 godina, pa su procjene da će ova starosna dob činiti više od 14 posto od ukupnog broja stanovnika.

Â

"Broj osoba u dobi od 40 i ispod biće manji za 25 posto, a manji pad će se pojaviti među onima u dobi između 46 i 57 godina", navodi se u izvještaju. Radna grupa koja je izradila Strategiju reforme penzijskog sistema u RS je došla do podatka da će RS do 2057. godine imati oko pola miliona stanovnika manje nego što ima danas ako se u narednom periodu nastavi negativno kretanje prirodnog priraštaja. Radna grupa je procijenila, ako se uzme u obzir da trenutno u RS ima oko 1,3 miliona stanovnika, da se očekuje da će do 2057. godine RS imati 800.000 stanovnika. Demografi smatraju da se smanjenje broja stanovnika u BiH svakako očekivati, jer je takav trend prisutan u većini Evrope. Stevo Pašalić, demograf, smatra da su dva razloga zbog kojih će doći do smanjenja broja stanovnika - prirodna depopulacija i emigracije stanovništva. "Prvi razlog je taj što se rađa manje ljudi nego što umire, a drugi je što se više ljudi odseljava iz BiH nego što se doseljava. U BiH je prisutna nulta stopa prirodnog priraštaja", kazao je Pašalić. Prema podacima Savjeta za djecu RS, od 2002. godine u RS je evidentan pad nataliteta i za obnovu stanovništva nedostaje oko 30 posto djece.

Izvor vijesti: 24sata.info